



TE7
Berat BUZHALA
Drejtor
Prishtinë

Rasti Nr. 2018/172
Ref:1809/987/KPM/mf

VENDIM

Lidhur me Rastin Nr. 2018/172 Hetem Terllabuqi (Palë Ankuese) kundër Ofruesit të Shërbimeve Mediale TE 7 (Palë Përgjegjëse)

Faktet

1. Komisioni i Pavarur i Mediave (KPM) ka miratuar Kodin e Etikës për Ofruesit e Shërbimeve Mediale në Republikën e Kosovë KKPM-2016/3, i cili ka hyrë në fuqi më 11 tetor 2016. Me Kodin e Etikës KKPM-2016/03 janë përcaktuar rregullat e sjelljes dhe të punës së shërbimeve mediale audiovizuale në pajtim me dispozitat ligjore që janë të domosdoshme në një shoqëri demokratike.
2. KPM, me datën 25 korrik 2018, ka pranuar një ankesa nga z. Hetem Terllabuqi ndaj "Fqinjët në Vushtrri në hall me njëri-tjetrin", të transmetuar me datën 21 korrik 2018 në edicionin e lajmeve të orës 19:30 në TE 7, përmes së cilës z. Terllabuqi pretendon se TE 7 përmes kësaj kronike ka bërë: „*ka shkelur parimet profesionale dhe të kodit të gazetarisë, duke lejuar të transmetohet vetëm pala që pretendon të jetë viktimë, kurse për emrat tjerë të përmendur, gazetarja nuk merr mundin që t'i kontaktojë dhe të marr opinionin e tyre lidhur me pretendimet e paraqitura krejtësisht në mënyrë të njëanshme.*”
3. KPM, me datën 25 korrik 2018 përmes një shkrese e ka njoftuar Palën Përgjegjëse për ankesën e pranuar nga z. Terllabuqi dhe ka kërkuar sqarim brenda tre (3) ditësh lidhur me pretendimet e ankesës.
4. KPM, brenda afatit të përcaktuar nuk ka pranuar asnjë përgjigje nga e Palës Përgjegjëse lidhur me kërkesën e KPM-së.
5. KPM ka analizuar ankesën e z. Terllabuqi, ka monitoruar kronikën e lartpërmendur dhe në bazë të Raportit të monitorimit të datës 7 gusht 2018 ka gjetur se Pala Përgjegjëse ka vepruar në kundërshtim me Kodin e Etikës KKPM-2016/03.
6. KPM, pas të gjeturave nga Raporti i monitorimit, me datën 15 gusht 2018 i ka dërguar Palës Përgjegjëse Njoftim për Shkelje me të cilin e ka njoftuar për shkeljet e bëra dhe i ka

kërkuar të veprojë në pajtim me Kodin e Etikës KKPM-2016/03, duke i ofruar palës ankuese të drejtën e demantit në afat prej shtatë (7) ditësh.

7. Pala përgjegjëse, edhe pas kërkesës së KPM-së nuk i ka ofruar të drejtën e reagimit palës ankuese, duke vazhduar kështu të veprojë në kundërshtim me nenin 10, paragrafi 1, të Etikës KKPM-2016/03.

Analiza Ligjore

8. Komisioni bazuar në të gjitha faktet dhe analizat e lartpërmendura konstaton se Pala Përgjegjëse është gjetur në shkelje të nenit 6, paragrafi 7, dhe nenit 10, paragrafi 1, të Kodit të Etikës KKPM-2016/03.

Neni 6, paragrafi 7, i Kodit të Etikës KKPM-2016/03 përcakton se:

“OSHM-të duhet të ofrojnë prezantim të perspektivave të ndryshme në mënyre korrekte dhe të drejtë. Në qoftë se njëra palë refuzon që të ofrojë pikëpamjen e saj, publiku duhet të informohet për këtë refuzim.”

9. KPM në bazë të monitorimit të kronikës së transmetuar dhe analizimit të saj ka gjetur se Pala Përgjegjëse nuk i ka dhënë të drejtën për të ofruar opinion z. Terllabuqi i cili është i përfoluri në kronikën *"Fqinjët në Vushtrri në hall me njëri-tjetrin"*, të transmetuar me datën 21 korrik 2018 në edicionin e lajmeve të orës 19:30 në TE 7.

Nenin 10, paragrafi 1, i Kodit të Etikës KKPM-2016/03 përcakton se:

“Me qëllim të korrektësisë dhe paanshmërisë duhet të ofrohet mundësia që brenda shtatë (7) ditësh pas paraqitjes së ankesës së individit apo organizatës, të transmetohet reagimi përkatës në mediumin e njëjtë. Reagimi duhet të transmetohet në kohë dhe hapësirë të njëjtë.”

10. KPM në bazë të monitorimit të kronikës ka gjetur se Pala Përgjegjëse edhe pas Njoftimit për shkelje përmes të cilit i është kërkuar që t'i ofrojë Palës Ankuese të drejtën e demantit në afat prej shtatë (7) ditësh nuk e ka transmetuar reagimin e Palës Ankuese, në mënyrë që t'i ofrohet mundësia për tu sqaruar për të gjitha çështjet e përmendura në kronikë
11. Prandaj, KPM duke u bazuar në faktet e lartpërmendura ka gjetur se Pala Përgjegjëse ka bërë shkelje të nenit 6, paragrafi 7 dhe nenit 10, paragrafi 1, të Kodit të Etikës KKPM-2016/03.

Vendimi

12. Komisioni i KPM-së bazuar në të gjitha faktet dhe analizat e lartpërmendura kërkon nga Pala Përgjegjëse që në afat prej shtatë (7) ditësh nga pranimi i këtij vendimi të transmetojë reagimin e palës ankuese ashtu siç përcaktohet me nenin 10, paragrafi 1, të Kodit të Etikës KKPM-2016/03.

13. Komisioni i KPM-së bazuar në nenin 30, paragrafi 1, të Ligjit të KPM-së, merr vendim që Pala Përgjegjëse të sanksionohet me Vërejtje, për shkelje të nenit 6, paragrafi 7 dhe nenit 10, paragrafi 1, të Kodit të Etikës për Ofruesit e Shërbimeve Mediale në Republikën e Kosovës KKPM-2016/03.

E drejta për Ankesë

14. Ankesat i parashtrihen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
15. Bordi për Ankesa do t'i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.

Lëshimi i Vendimit

Komisioni e lëshon këtë vendim


Muja FERATI
Kryetar

06. 09. 2018
Datë